



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. IV. An ad omnes actus liberos voluntatis supponatur rationis imperium?

[urn:nbn:de:hbz:466:1-77355](#)

non quoad vim movendi, sed quoad vim dirigi: quia cum pertineat ad imperium rationabiliter procedere, debet non tantum movere & impellere subditos, sed rationabiliter & moderatè regere, quod sit per rationis directionem.

79. Obijcet quartò contra secundum conclusio-
nem: Omnis actus intellectus, vel est simplex ap-
prehensio, vel judicium, vel discursus, non enim
aliae nisi tres illæ mentis operationes à Philosophis
asignantur: Sed imperium non est simplex
apprehensio, vel discursus, ut patet: Ergo si sit
actus intellectus, necessariò debet esse judicium
practicum.

80. Respondeo ex D. Thoma 2. 2. qu. 83. art. 1. ad
3. quod licet in intellectu speculativo non inven-
tiantur nisi tres actus assignati, plures tamen
alij reperiuntur in ratione practica, que non so-
lum habet commune cum speculativa quod inquireat, inventiat, & de inventis judicet, sed insu-
per habet tanquam sibi proprium, quod ordinet
ad opus: dirigit autem ad opus (ut docet idem
S. Doctor i. periberm. lect. 7.) vocando ad atten-
dendum mente, interrogando ad responden-
dum voce, & ad exequendum deprecando &
imperando; unde vocatio, interrogatio, depre-
cacio, & imperium, sunt actus rationis practicae,
in quibus non continetur verum vel falsum for-
maliter. Ob quam rationem in dialecticis insti-
tutionibus docetur esse quasdam orationes non
enunciativas, nec significantes verum aut fal-
sum formaliter, & has esse orationes vocatiyas,
interrogativas, imperativas, & optativas.

81. Adverte tamen, quod licet imperium non sit
formaliter judicium, in illo tamen judicium ali-
quod virtuale reperitur; & quipollit enim huic
judicio: *hoc tibi faciendum est*; vel, *expedit tibi
ut hoc facias*; & idem dicitur judicium practice
practicum, ad distinctionem judicij antecedentis
electionem, quod licet sit practice practicum
respectu electionis, efficaciter mouendo huc &
nunc voluntatem ad eam eliciendam, est tamen
practicum tantum speculativæ respectu execu-
tionis modiorum, quia solum proponit ejus con-
venientiam per modum simplicis enunciationis,
non vero per modum intimationis impulsivaæ.

82. Ex dictis inferes, actum imperii sic posse describi: *Imperium est ordinativa, cum motione quadam, intimatio alicuius operis exequendi*. Imperium enim, ut supra vidimus, tria importat, seu ex triplice actu coalescit, nempe ex mo-
tione, directione, & intimatione: primum ha-
bet à voluntate, que est primum movens quantum ad exercitium; alia vero ab intellectu, ad quem pertinet ordinare & loqui. Nam illa due potest in suis operationibus se mutuò juvent: intellectus dirigit voluntatem, & illam deter-
minat quantum ad speciem actus; & voluntas
movet & applicat intellectum, illumine determinat quantum ad exercitium. Quod per mu-
tuum coei & claudi auxilium, bellissime expre-
fit Alciatus in hoc emblemate.

Loripedem sublatum humeris fert lumine captus,

Et socij hec oculis munera retribuit.

Quo caret alteruter, concors hoc praestat uterque:

Mutuat ille oculos, mutuas ille pedes.



ARTICVLVS I.V.

*An ad omnes actus liberos voluntatis
supponatur rationis imperium?*

S. I.

Duplici conclusione difficultas resolvitur.

Dico primò, primum actum liberum vo-
luntatis, qualis est simplex volitus vel in-
tentio finis, non presupponere rationis impe-
rium. Est contra Aluarem, Martinem, & alios,
qui ad omnem actum liberum, etiam si sit pri-
ma volitus finis, volunt prærequiri rationis im-
perium.

Probatur primò ex D. Thoma h̄c art. 5. ubi
tertio loco sibi objicitur, quod si ad omnem actum
voluntatis supponitur imperium, cum ad omne
imperium debeat presupponi aliquis actus vo-
luntatis, sequitur quod detur processus in infinitum: & sic respondeat. *Cum imperium sit actus
rationis, ille actus imperatur qui rationis subditur:*

Cprimus autem voluntatis actus, ex rationis ordi-
natione non est, sed ex instinctu nature, aut supe-
rioris cause, ut supra dictum est (scilicet qu. 9.
artic. 4. ut notatur in margine) & idem non op-
portet quod in infinitum procedatur. Ubi nomine
primi actus, non intelligit aliquem actum omni-
no naturalem & necessarium, sed actum liberum
quod primò aliquis incipit velle finem, sive vo-
litione simplici, sive intentione efficaci; ut patet
tum ex textu articuli ad quem se remittit, in
quo ponit exemplum, *cum quis incipit velle sa-
nari*; tum ex ratione quam adducit, nam pri-
mus actus liber voluntatis, non ex rationis deli-
beratione, sed ex speciali Dei dictamine & in-
stinctu procedit, ut ex eodem S. Doctore supra Dis. 4
ostendimus.

Probatur secundò: Imperium est actus pru-
dentiarum, ut supra vidimus: Sed prudentia non
versatur circa finem, sed solum circa media, ut
docet Aristoteles 6. Ethic. cap. 12. Ergo simplex
volitus vel intentio finis, non supponit rationis
imperium.

Confirmatur: Prudentia est præceptiva eorum
de quibus cubilia rectè consiliatur, ut ex Ari-
stotele docet D. Thomas i. p. quæst. 22. art. 1. ad
1. Consultatio autem non est de fine, sed tantum
de mediis, ut ostendimus disputatione præcep-
tivi: Ergo prudentia non est præceptiva actum
qui verlantur circa finem.

Probatur tertio: Imperium est actus liber,
alias actus voluntatis qui ex ipso procedunt, li-
beri esse non possunt: Sed non potest esse liber,
nisi supponat actum liberum voluntatis, à quo
libertatem participet: Ergo imperium necessaria-
riò aliquem actum liberum voluntatis supponit,
& per consequens primus actus liber voluntatis,
non potest esse ex rationis imperio.

Respondent Adversarij negando Minorem: nam licet imperium non supponat actum libe-
rum, distinctum ab eo quem regulat, potest tamen
participare libertatem ab eodem actu quem
imperat, interveniente inter utrumque actum
mutua causalitate.

Sed contra primò: D. Thomas loco supra re-
lato, ut vitet processum in infinitum inter actum

intellectus imperantem, & actum voluntatis imperatum, recurrit ad hoc quod primus actus voluntatis non cadit sub imperio rationis: At si imperium libertatem venatur ab actu à se imperato, ob diversum modum causandi, frustra Divus Thomas ad illam solutionem recurreret: Ergo sic recurrens, manifeste sentit non posse imperio libertatem communicari ab actu quem imperat, sed necessariò ab alio actu distincto ab imperato libertatem recipere.

90. Secundò: Si hæc solutio valeret, sequeretur quod prima apprehensio finis, regulans actum voluntatis simpliciter primum, non esset necessaria, sed libera: At hoc dici nequit: Ergo &c. Minor pater: nam prima cogitatio, & prima apprehensio finis, non pendet ex nostra libertate, sed causatur à Deo in nobis, seu absque libera applicatione nostri intellectus. Sequela verò Majoris probatur: nam posset inter illos actus mutua intervenire causalitas, qualis, in sententia Adversiorum, reperitur inter imperium & actum imperatum: Ergo si imperium, ratione hujus mutua causalitatis, potest participare libertatem ab eodem actu quem imperat, etiam prima apprehensio finis, à simplici ejus volitione vel intentione quam regulat, poterit libertatem recipere.

91. Denique suaderi potest conclusio sequenti discursu: Actus intellectus, essentialiter presupponens actum voluntatis, nequit antecedere priam volitionem finis: Sed imperium est actus rationis, essentialiter presupponens actum voluntatis: Ergo primam volitionem finis præcedere nequit. Major patet ex eo quod prima volitio finis non presupponat aliud actum voluntatis. Minor autem probatur. Actus rationis, habens vim movendi quoad exercitium, presupponit essentialiter actum voluntatis: Sed imperium est actus rationis, habens vim movendi quantum ad exercitium; per hoc enim distinguitur à judicio, quod judicium habet solum ostendere quid sit agendum, imperium verò habet ordinare ad operandum, cum quadam motione, quam ab electione participat: Ergo imperium actum voluntatis necessariò presupponit. Major probatur: quia cum voluntas sit primum movens quantum ad exercitium, & consequenter intellectus secundum tantum movens, & secundum movens non moveat nisi in virtute primi, oportet quod actus rationis, movens quoad exercitum, presupponat actum voluntatis, à quo trahat vim movendi.

92. Nec valet si dicas cum Adversariis, quod sicut actus rationis, antecedens primam intentionem finis, potest ab illa libertatem recipere, ita & vim movendi quoad exercitum. Esto enim intentio posset dare actu rationis antecedenter libertatem (quod tamen falso esse supra ostendimus) non tamen vim movendi quoad exercitum, cum illa careat; voluntas enim non se moveat, sed movetur à Deo in prima intentione finis, ut supra ostensum est.

93. Dico secundò, electionem non presupponere imperium formale, sed duntaxat virtuale. Ita Conradus, Soto, & alij, contra Cajetanum, & Medinam, qui ponunt duplex imperium in voluntate, unum quòd quis per prudentiam imperat sibi ut eligat; & hoc præceptum est causa electionis; alterum quòd exequitur id quod elegit; & hoc imperium est effectus electionis & causa usus & executionis. Hos sequuntur Aluarez, Martinez, Carafa, Ildephonsus, & alij.

Tom. III.

A Probatur prima pars ex D. Thoma h̄c art. 3. 94.
ad t. ubi sic habet: Non omnis actus voluntatis precedit hunc actum rationis qui est imperium, sed aliquis precedit, scilicet electio, & aliquis sequitur, scilicet usus: quia post determinationem conflixi, que est judicium rationis, voluntas eligit, & post electionem ratio imperat ei per quod agendum est quod eligitur. & tunc demum voluntas incipit usus, exequendo imperium rationis. Ubi D. Thomas exp̄s docet, post judicium rationis, quod est determinatio conflixi, voluntatem eligeret: At si præter judicium rationis, imperium etiam ad electionem necessarium esset, non asserret post judicium subsequi electionem, sed post imperium: Ergo manifeste sentit imperium esse solum necessarium ad usum, applicantem potentias exequentes ad opus.

Probatur secundò ratione: Etsi intentio possit imperio de electione facienda libertatem communicare, non tamē potest ei communicare efficaciam: At hoc secundum est de ratione imperij: Ergo electionem non potest imperium præcedere. Probatur Major: Efficacia imperij est circa hæc determinata media eligenda præ aliis: Sed hoc arbitrio voluntatis eligentis relinquitur: Ergo ab intentione communicari nequit imperio efficacia determinata circa hæc media præ aliis.

Explicatur amplius: Non solum efficacia, sed etiam determinatio efficaciarum, debet à voluntate intellectui communicari: At si imperium electionem præcedat, determinatio efficaciarum non à voluntate incipiet, sed ab intellectu; cùm actus voluntatis præcedens imperium, scilicet intentione, etsi efficax sit, determinatā tamen efficaciā circa media non gaudeat, sed indifferenti ad hæc vel illa media: Ergo imperium electionem non præcedit.

Dices: Ex hac ratione sequitur, quod quando ad finem intentum efficaciter non est nisi unum medium, judicium electionem regulans obtineat rationem imperij, cùm tunc supponat intentionem determinatam ad tale medium, ex qua possit ad judicium de medio derivari efficacia impulsiva.

Sed nego sequelam: nam etiam in tali casu judicium illud regulans electionem, non habet verè & propriè rationem imperij; non quia tunc careat efficaciā circa tale medium, sed quia se habet per modum judicij componentis, ac per modum indicativi exprimitur: imperium autem verè & proprie dictum, non est judicium aut comp̄sitiō, sed dictamen aliquod mentale, per verbum imperativi modi expressum, ut articulo p̄t̄cedenti docuimus.

Secunda pars conclusionis, quæ asserit electionem imperii virtuale supponere, breviter suadetur. Electione enim quatenus ex vi prioris intentionis habet vim movendi intellectum ad actum imperij, habet rationem usus virtualis in ordine ad talem actum, ut art. i. in solutione ultimi argumenti insinuavimus: Sed usus virtualis supponit imperium virtuale à quo ditigatur: Ergo etiam electio imperium aliquod virtualē rationis præsupponit. Quare S. Thomas h̄c art. 3. ait: Sicut actus voluntatis, utenvis ratione ad imperandum, præcedit ipsum imperium: ita etiam potest dici quod & istum usum voluntatis præcedit aliquod imperium rationis, eò quod actus harum potentiarum supra seip̄os invicem reflectuntur. Sicut ergo electio, quatenus habet vim mo-

C. ij

DISPUTATIO VNDECIMA

204

vendi intellectum ad actum imperij, est usus quidam virtualis; ita & judicium eam antecedens & regulans, prout dictat cum quadam motione (quam ex intentione praecedenti participat) quod hic & nunc ponendum est actus electionis, seu quod voluntas hic & nunc applicanda est ad electionem, habet rationem virtualis imperij. Unde quamvis in ordine directo, electio praecedit imperium, ut docet S. Thomas loco supra adducto, in ordine tamen reflexo, imperium quoddam virtuale & reflexum praecedit consensum & electionem, & ad utrumque actum praequiritur.

S. II.

Solvuntur objectiones.

OBJICES primò contra primam conclusionem: Imperare est intimare voluntati hic & nunc actum esse exercendum: Sed intellectus intimat voluntati hic & nunc exercendum esse primam intentionem; alias voluntas nunquam exerceret eam: Ergo datur imperium ad primam intentionem.

Respondeo imperium non solum dicere intimationem, sed etiam motionem quantum ad exercitium: actus vero intellectus praecedens primam intentionem, non habet hanc motionem, ut probatum est; quia voluntas non movet in hac intentione, sed à solo Deo movetur. Unde inter judicium antecedens intentionem finis, & judicium praecedens electionem medium, hoc reperitur discriminem, quod judicium antecedens intentionem, non præsupponit in voluntate alium actum priorem, à qua participet vim movendi, quantum ad exercitium, bene tamen judicium quod electionem praecedit; illud enim supponit intentionem finis, quae hoc ipso quod est virtualis volitus electionis, habet vim movendi ad exercitium ejus, & id est habet rationem imperij virtualis; minime tamen imperij formalis, quia nec gaudet determinata efficiacia circa hanc media in particulari, nec per verbum imperativi, sed indicativi modi exprimitur, ut ante ponderatum est.

Objices secundò: Positā quacumque cognitione, & quocumque judicio indifferenti ex parte intellectus, voluntas manet indifferentis ut intendat vel non intendat hunc finem: Ergo indiget imperio, ut ad hunc potius quam alium finem intendendum determinetur.

Sed negatur consequentia: nam ad primam intentionem homo nec se moveret, nec se determinaret, sed specialiter moveretur ac determinatur à Deo, per specialem instinctum, seu dictamen, quod supplet vices imperij, ut docet D. Thomas hīc art. 3. ad 3.

Objices tertio contra secundam conclusionem: Ad eos actus necessarium est imperium, ad quos requiritur prudentia: Atqui prudentia non solum requiritur ad usum seu executionem medium, sed etiam ad eorum electionem: Ergo & imperium. Major patet: imperium enim, ut supra vidimus, est præcipius actus prudentiae. Minor vero suadetur. Cū electio sit præcipius actus virtutis moralis, quæ idcirco habitus recte electivus dicitur, si ad illam non requireretur prudentia, præcipui actus virtutum moralium fierent sine prudentia, & illa solum ad actum minus principalem virtutum electivarum, scilicet usum, necessaria foret; quod videtur inconveniens.

Respondeo concessa Majori, negando Minorem: ad electionem enim sufficit judicium rationis, elicitum à virtute Synesis, quæ est virtus annexa prudentiae, & prudentia appellatur. Neque ex hoc sequitur electionem fieri sine prudentia privativa, aut contraria, sed solum negativa; id est sine regulatione prudentiae simpliciter dicta; in quo nullum est in inconveniens: nam cū electio (quamvis sit præcipius actus virtutum moralium) finaliter ad executionem ordinatur, sufficit quod pro executione requiratur regulatione prudentiae simpliciter dicta, & ad electionem regulatio per virtutes integrantes prudentiam, scilicet Eubuliam & Synesium. Si tamen voluntas se supra suos actus reflectat, & suam electionem eligat, sicut intellectus cognoscit suam intellectionem, electio erit à prudentia strictè sumpta, & ab imperio ejus, saltem virtuali & reflexo, ut ex supra dictis patet: nihilominus necessarium non est quod sic reguletur, cū nec predicta reflexio necessaria sit.

ARTICVLVS V.

C *Vtrum omnes actus & motus qui sunt in homine, possint subdi imperio rationis?*

S. I.

Pramittuntur quæ apud omnes sunt certa.

NO T A N D V M primò, plures & diversos actus, & motus esse in homine, juxta diversitatem potentiarum, quæ in eo reperiuntur: nam in parte ejus superiori sunt actus intellectus & voluntatis, qui sunt motus perfecti harum potentiarum: in parte vero inferiori reperiuntur actus appetitus sensitivi, tam cognoscitivi, ut sunt actus sensuum exteriorum & interiorum, quæ effectivi, ut sunt omnes illi actus seu motus qui dicuntur passiones: sunt etiam actus animæ vegetativæ, ut nutritio, augmentatio, generatio &c. insuper sunt motus membrorum corporis generaliter, & specialiter motus cordis & cerebri. Et de his omnibus (exceptis actibus voluntatis, de quibus diximus articulo praecedenti) queritur in praesenti, utrum possint subdi imperio rationis? quod enim non semper illi subdantur, manifestum est.

Notandum secundò, duplex esse imperium; unum regale & politicum, aliud servile & despoticum: primum non est cum pleno dominio, sed relinquunt subditu libertatem resistendi, unde civis potest resistere imperio regis: alterum est cum pleno dominio, quod admit omnem potestatem resistendi. Hanc divisionem tradit Philosophus i. politic. cap. 3. Explicandum est ergo, quodnam imperium ex illis intellectus in potentias inferiores exerceat.

S. II.

Quatuor conclusionibus difficultas resolvitur.

DI CO ergo primò: actus intellectus, quantum ad exercitium, subduntur imperio rationis.

Explicatur & probatur conclusio: Actus intellectus potest dupliciter considerari, uno modo